

## Vahtsidõ võrokeelitside laulõ võistlus Uma Laul II

Uma Pido kõrraldaja' kuun Eesti Kirjandusmuuseumi ja MTÜga Võru Noored Mehed kuulutasõ' vällä vahtsidõ võrokeelitside laulõ võistlusõ Uma Laul II. Võistlusõlõ oodõtas umakeelitsit ja umaloominguliidsi laulõ. Millest laul(u') tetä', või laulukirotaja esi' valli'. Esieränis suurõ huviga uutva' kõrraldaja' latsilaulõ. Laulu' võiva' olla' nii rahvaligu' ku peris muudsa'. Ka vanna (nt regilaulu) ja vahtsõt (seoilma-ao teema) või kokko klapita'.

Võistlusõ välläkuulutaminõ om 9. märtsil 2010, laulõ saatmisõ tähtaig om 25. aprill, võistluskontsõrt tulõ 30. aprillil kell 16.00. Pokumaal.

Laulutekst (ku suuvi om, sis ka kirja pant viis) tulõ är saata 25. aprillis Võro seltsile (Tarto 48, 65609 Võro liin) vai smeeliste@gmail.com. Võistluskontsõrdil Pokumaal võistlõsõ' laulu', mitte näide ettekandminõ. Hää olnu, ku laulukirotaja esi' laulnu kah. Ku esitjä taht, või tä pilli mano (laskõ) mängi, a tuu olõ-i kohustus - taa olõ-i ansambliide võistlus.

Laulõ hindas Žürii. Hindaja omma' tunnõdu' muusigainemise' ja Eesti kirändüsmuusõumi asjatundja'. Lisas valitas ka päältkaejidõ lemmik. Parõmba' laulu' saava' avvohinna. Nuu' pandva' vällä Eesti kirändüsmuusõum, suurõtiimuusõum, Savi turismitalo, Taevaskoja Salamaa, hotell Pesa, MTÜ Piusamaa, Pokumaa ja Nopri meierei. Kõik võistlõja' saava' priipiledi Umma Pitto, miä om 29. mail Põlvan Indsikurmun. Mõnõ võistluslaulu' valitas vällä ja lauldas Uma Pido pääväprogrammi aigu Põlvan. Võistlusõlõ saadõdu laulu' ja video võistluskontsõrdist saadõtas Eesti rahvaluulõ arhiivi.

Edimäne Uma laulu võistlus peeti 2008. aastagal inne edimäst Umma Pito. Võistli' 26 laulu. Võiduluku, Ilvesse Aapo «Lodi tuu ja lodi vii», laulva' segäkoori tõsõl Umal Pido.

Teedüs:

[www.umapido.ee](http://www.umapido.ee)

Siim Meeliste, tel 56478568, [smeeliste@gmail.com](mailto:smeeliste@gmail.com).

Nõvvo ja api rahvalauluküsümüsin saa: Helen Kõmmus (Eesti Kirjandusmuuseum), tel 56 504 126, [helen@folklore.ee](mailto:helen@folklore.ee).